



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joannis Commirii E Societate Jesu Carminum Libri Tres

Commire, Jean

Lutetiæ Parisiorum, 1678

Jonas Celsissimo Principi Ferdinando Episcopo Paderbornensi &c.

urn:nbn:de:hbz:466:1-14818



JONAS

CELSISSIMO PRINCIPI
FERDINANDO
EPISCOPO PADERBORNENSI &c.



*ERNANDE, Angaria claro sate san-
guine gentis;
Cui caput inclinans famularem subjicit ur-
nam*

*Luppia; quem Dominum sibi mox emet omnibus undis
Amisus: mentem curis ingentibus agram
Turbato super orbe, novi & discrimine belli,
Fas mihi sit grato tantisper solvere cantu.
Sacra fero vates olim qua fudit Jonas
Carmina; sacra decent divinum carmina vatem.
Heu! quibus ille malis terra jaectatus & alto,
Spreta luit superum mandata, fugamque rebellem!
Pertulit eversum fundo mare, pertulit iras*

A

JO. COMMIRII

2

Ventorum, cæli conjuratosque tumultus :
 Et per mille neces mortem non repperit unam.
 Naufragique obiit casus, graviore superstes
 Naufragio: meruitque animam servare sub undis,
 Solveret ut longas producto funere pœnas;
 Et quod plus timuit, Niniuem servatus adiret.
 Immitem tanto stetit optavisse tonantem!

Hunc iterum Latiis sævos memorare labores
 Edoctum numeris, tua nunc ad limina sisto;
 Visurum Assyria quod non spectavit in aula.
 Dum meditor majore sono te dicere, Princeps,
 Fortunæque pares animos, famamque perennem,
 Et prisca equatos jam Mecenatis honores
 Muneribus vatum. Nec me certasse negabo

Exstat H. Gro-
 tii elegantissima
 in Jonam para-
 phrasîs, initio
 poëticorum ejus
 operum.

Grotiada. *Qu*anquam magni cognominis umbra,
 Majus & ingenium, cœpto absterrere duello
 Fidentem nec Marte pari, nec viribus equis,
 Debuerant. Sed enim quandoque laceffere cantu
 Garrula per silvas Philomelam gaudet Acanthis,
 Belligerosque tubæ sonitus imitatur arundo.
 Ergo nec egregio me composuisse poëta,
 Nec palmam cessisse pudet. Solatia tantus
 Magna mihi præbet victor. Nec gloria deerit,
 Si tibi vel victus non displicuisse merebor.